

AQOON MA U LEEDAHAY

# Mawliidka

SHEEKH MUUSE TARAX

حفظ الله

## FAHRASKA KITAABKA

Mahadnaq.....	3
Hordhac.....	4
Side loogu saliyayaa Rasuulka calayhi salaatu wasalaam.....	9
Taariikhda mawlitu nebiga iyo wakhtigii ugu horaysay ee lalayimaado.....	9
Xukunka shareecada uu ku yeelanayo mawlidku.....	14
Hadalada shirkiga ah ee ku jira mawliidka.....	
Maxay culimada islaamku ka yidhaahdeen mawlidka.....	38
Gebagebo.....	40

## Mahadnaq

Mahad iyo aamaan waxaa iska leh Ilaahay, Allaah ayaanu mahadinaynaa, kaalmo iyo dambi dhaafba aanu ka dalbaynaa,

Qofkii uu hanuuniyo cid lumin kartaa majito, cidii uu lumiyona cidi mahanuunin karto, waxaan qirayaa oo aan carabka kaga dhawaaqayaa, qalbigana ka ictiqaadsanahay mid xaq lagu caabudaa inuuna jirin Ilaahay mooye, cid lawadaagtaana majirto, waxaan qirayaaa in maxamadna adoonkiisii iyo Rasuulkiisicalayhi salaatu wasalaam yahay, naxariis iyo nabadgelyo korkiisa ha ahaatee.

Intaa kadib:- Waxaan halkan ku soo bandhigayaa qoraal kooban oo ku saabsan xukunka shareecada islaamku ka qabto in mawlitu –Nebi- ama dabaal deg loo sameeyo dhalashadii Rasuulka calayhi salaatu wasalaam, waxaan halkan ku sheegi doonaa dhawr arrin oo ku saabsan mawlitu nebiga waxa loo yaqaano,

## Hordhac:

### **Xaquuqda Rasuulka calayhi salaatu wasalaam:-**

Rasuulkeena calayhi salaatu wasalaam suuban naxariis iyo nabad gelyo korkiisa ha ahaatee, waxaa jira xuquuq waajib ah oo uu inagu leeyahay, xuquuqdaas oo qofkasta oo Muslim ah ay waajib ku tahay inuu fuliyo oo dhawro,

Waxaa xuquuqdaa ugu horeeya:

in la rumeeyo in uu yahay Rasuulkiicalayhi salaatu wasalaam Ilaahay soodiray ee shareecada iyo risaalada inoogu soo dhiibay, xaqan oo ah mid ay xambaarsantahay shahaadatu anna maxamadan Rasuululaah.

Waxay keensanaysaa shahaadadaa Rasuulka calayhi salaatu wasalaam aynu uga marag kacayna waxyaabahan soo socda

- in la rumaysto waxkasta oo Rasuulka calayhi salaatu wasalaam sheego oo uu kawaramo
- in lagu adeeco waxa uu faro oo sidiisa loofuliyo
- In waxa uu diido ee uu reebo laga dheeraado.
- In Ilaahay lagu caabudo shareecada nebiga uu inoogu soo dhiibay oo aan wax kele lagu caabudin.

waxaa ka mid ah xuquuqda Rasuulku calayhi salaatu wasalaam innagu leeyahay in la ixtiraamo oo la tawqiiriyo oo laga fogaado waxii dhib iyo meelkadhac rasuulka calayhi salaatu wasalaam ku ah. Waxaa Ilaahay yidhi:

( لتؤمنوا بالله ورسوله وتعزروه )  
(9) وتوقروه..... الآية) سورة الفتح, آية )

Waxyaabaha waynanynta ka hor imanaya waxa ka mid ah cayda iy aflagaadada dadka qaarkood Rasuulka calayhi salaatu wasalaam u gaystaaan taas oo ah arrin islaamnimada burinaysa. Waxa xuquuda Rasuulka calayhi salaatu wasalaam ka mid ah in lagu daydo oo sunnadiisa la raaco

Waxaa u daliil ah aayada Ilaahay ku yidhi:

( لقد كان لكم في رسول الله أسوة حسنة لمن كان )  
(20) يرجوا الله واليوم الآخر). سورة الأحزاب، آية )

Waxaa idiinku sagan Rasuulka calayhi salaatu wasalaam Ilaahay ku dayasho wanaagsan, kiinii rajaynaya Ilaahay iyo maalinta dembe la kulankeeda.

Waxaa aayado badan Ilaahay ku faray in Rasuulka calayhi salaatu wasalaam la-adeeeco oo la- yeelo amarkiisa, sida qawlka Ilaahay yidhi:

(وأطيعوا الله وأطيعوا الرسول)

Ilaahay iyo Rasuulkiisacalayhi salaatu wasalaam yeela,

Waxa kala oo Ilaahay ku tilmaamay in hanuunku ku jiro adeecitaanka Rasuulka calayhi salaatu wasalaam, sida uu yidhi:

(وإن تطيعوه تهتدوا).

Waxa kele oo Rasuulka calayhi salaatu wasalaam yidhi, sida ku sugan xadiis saxiix ah oo bukhaari iyo muslimba soo saareen, oo uu soo warinaayo saxaabiga la yidhaahdo Abuu Hurayra,

( كل أمتي يدخلون الجنة إلا من أبي، قيل:- ومن  
يأبي يا رسول الله؟ قال:- من أطاعني دخل الجنة  
(ومن عصاني فقد أبي

Waxa Rasuulka calayhi salaatu wasalaam yidhi ummadaydu jannada ayay wada gelayaan qof isagu iska diida mooyee, waxaa lagu yidhi: yaa diidaya Rasuul allaw? Waxuu yidhi: qofkii I adeecaa jannada ayuu gelayaa ,kii i caasiyaana wuu iska diiday.

waxaa ka mid ah xaquuqda Rasuulka calayhi salaatu wasalaam in aynu jeclaano oo aynu ka jeclaano lafaheena iyo ubadkeena iyo dadka oo dhan, waxa Ilaahay yidhi saree oo ceeb ka hufnaaye :-

النبيّ أولى بالمؤمنين من أنفسهم ( سورة  
(6)الأحزاب، آية )

Waxa macnaheedu yahay **Nebiga ayaa uga mudan muminiinta lafahooda.**

Waxuu kaloo Rasuulku yidhi calayhi salaatu wasalaam

لا يؤمن أحدكم حتى أكون أحبّ إليه من والده  
. وولده والناس أجمعين) متفق عليه من حديث أنس

Midkiin laga helimaayo iimaan illaa uu iga jeclanayona waalidkiisa iyo ilmaha uu dhalay iyo dadkoo dhan.

Hadaba qofka aan Rasuulka calayhi salaatu wasalaam jeclayn waa qof aan lahayn iimaan dhab ah. Waxaa calaamad u ah jecaylka Rasuulka, naxariis iyo nabad gelyo korkiisa ha ahaatee. In la raaco sunnadiisa oo dadka loogu baaqo, oo la jeclaado cidda sunnada Rasuulka ku dhaqmaysa, cidda sunada khilaaftana la naco. Oo layska ilaaliyo in lagu

dhaqmo wax aan sunnada Rasuulka calayhi salaatu wasalaam ka mid ahayn.

Waxaa Ilaahay yidhi:

قل إن كنتم تحبون الله فاتبعوني يحببكم الله ويغفر (31لكم ذنوبكم ) آل عمران، آية )

Waxa Ilaahay ku yidhi Nebigiisa, waxaad ku tidhaahdaa hadaad jeceshihiin Ilaahay isoo raaca Ilaahay ayaa idin jeclaan oo idiin dembi dhaafiye.

Waxaa dhab ah oo la wada garanayaa in qofku cidda uu jecelyahay uu ku daydo oo uu raaco, ma dhici karto in qofku ciduu jecelyahay caasiyo ama ku Dayan waayo, markaa waa in laynaga helo Rasuulka raacitaankiisa, si jecaylka Rasuulka aynu jecelnahay dhab u noqoto.

Waxaa kele oo ka mid ah xuquuqda Rasuulka calayhi salaatu wasalaam in lagu salliyo, Ilaahay ayaa ina faray inaynu salino, waxaa Ilaahay yidhi :-

إن الله وملائكته يصلون على النبي، يا أيها (الذين آمنوا صلوا عليه وسلموا تسليما )  
(55سورة الأحزاب، آية )



Waxaa jira meelo kela duwan oo si-gaar ah, laysku amray saliga Rasuulka calayhi salaatu wasalaam,waxaa kamid ah: -

Markasta oo Rasuulka calayhi salaatu wasalaam la soo hadal qaado, fadhiga ugu dambeeya ee salaadana waa waajib in lagu saliyo Rasuulka calayhi salaatu wasalaam sharafta leh.

Marka qafku ducaysanayona waxaa la amray in uu Rasuulka calayhi salaatu wasalaam ku saliyo.

Waxaa Rasuulku calayhi salaatu wasalaam yidhi:-

من صلى عليّ واحدة صلى الله عليه بها عشرة ، ( ، )  
أخرجه مسلم وأبو داود والترمذي .

Qofka hal jeer igu saliya waxaa Ilaahay ku saliya toban jeer.

Markaa qofka saliga nebiga diidaa waa qof gaal ah .

## Side loogu saliyaaya Rasuulka calayhi salaatu wasalaam?

Ku saliga Rasuulku waa cibaado oo ajar badan baa ku jira, hadaba sida loogu saliyo waa sida Rasuulku calayhi salaatu wasalaam cadeeyay oo saxaabada u baray waa siday saxaabada iyo taabiciyiintu ugu

saliyi jireen waxaana arinkaa inoo cadaynaya Axaadiis saxeexa oo aad iyo aad u tiro badan. Hadaba waxaynu halkan ku sheegi hal xadiis oo bukhaari iyo muslim ku xusan waana xadiiska sedan laftigiisu yahay:-

عن عبد الرحمن بن أبي ليلى قال:- لقيني كعب بن عجرة، فقال: - ألا اهدي لك هدية؟ إن النبي صلى الله عليه وسلم خرج علينا، فقلنا: - يا رسول الله قد علمنا كيف نسلم عليك، فكيف نصلي عليك؟ فقال النبي (ص):- >> قولوا؛ اللَّهُمَّ صَلِّ عَلَى مُحَمَّدٍ، وَعَلَى آلِ مُحَمَّدٍ، كَمَا صَلَّيْتَ عَلَى إِبْرَاهِيمَ وَعَلَى آلِ إِبْرَاهِيمَ، إِنَّكَ حَمِيدٌ مَجِيدٌ، وَبَارِكْ عَلَى مُحَمَّدٍ وَعَلَى آلِ مُحَمَّدٍ، كَمَا بَارَكْتَ عَلَى إِبْرَاهِيمَ وَعَلَى آلِ إِبْرَاهِيمَ، إِنَّكَ حَمِيدٌ مَجِيدٌ.>>

Waxaa xadiiska macnihiisu Yahay: - wuxuu yidhi taabiciga magaciisa la yidhaaho Cabdi raxmaan Ibnu Abii Laylaa" waxa ila kulmay saxaabiga la yidhaa {kacbi ibnu cujra markaa suu yidhi:- markuu hadiyadeeyaa hadiyad? Nebiga ayaa naxariis iyo nabad gelyo korkiisa haahaatee" noo soo galay dabadeedna waxaanu ku nidhi Rasuulkii Ilaahayow waanu garanay sidaanu kuu salamnaye ee sidee kuugu salinaa?

Dabadeed wuxuu yidhi Rasuulkii: - waxaa tiraahdaan Ilaahayow kusali maxamed iyo eheladiisa sidaad ugu saliday nebiyulaahi Ibraahim iyo ehelkiisa

Adaa amaano iyo sharaf balaadhanbaleh oo barakee maxamed iyo ehelkiisa sidaad ubarakaysay ibraahim iyo ehelkiisa adaa amaan iyo sharaf balaadhanbalehe.

Qaabka iyo qaabab kale oo ka dhow ayaa axaadiista saxiixa ah tilmaamaysaa waana kaa saliga Rasuulka ee Ilaahay Ina faray waana sidii Rasuulka saxaabada baray waana sida marka salaada lagu jiro loogu saliyo

Haday si kale jiri lahaydna Rasuulku saxaabada ayuu Bari lahaa

Qofka ku saliya Rasuulka waa inuu sidaa ugu saliyyaa waxaa markaa mudan in lakala saaro oolakala garto saliga Rasuulka iyo qasaa, ida la akhriyo marka maawlitu nabiga iyadoo mawlitu nabigu jirin ayay saxaabadu sidaa Rasuulka ugu saliyyijireen maynay qaadijirin qasaaidkan hada la akhriyo wax yaabha layaabka leh waxaa kamid ah in lakagaran waayo saliga Rasuulka iyo qasaaida laqaado oo markaa qofka diida mawliidka layidhaa saligii Rasuulka ayuu diidan yahay!!

Waxaa taasi ay lamacnatahay in layidhaahdo qofka mawliidkaa aan qaadin Rasuulka kumuu saliyyin; waxaa xataa soo gelaya saxaabadii tabiciin tii iyo cidii dabadood timi ee aan ogayn mawliidka!!

## Taariikhda mawliidka ama U dabaal dega dhalashadii Rasuulka iyo wakhtigii la jideeyay:-

waxay isku waafaqsanyihiin culimadu iyo taariikhyahanada muslimiintu in dabaal dega Rasuulku dhashay oo wax la akhriyo ama xoolo laqaalaa inay tahay arin cusub oo uu yahay arin aan jirin wakhtigii Rasuulka iyo saxaabada iyo taabiciintaba iyo kuwii ka dambeeyey taasi waa arin dhaba oo aan lagu muransanayn waxay dhamaan culimada isku wada waa faqsanyihiin in mawlidka Rasuulku amrin siwaajibnimo ah iyo si sunonimo ah asxaabtii iyo; taabiciintuna farin.

Hadaba tolow waa Ayo cidii ugu horaysay ee latimi? Waxay sheegeen culimo badan oo taariikhyahanada muslimiinta ahi in cidii ugu horaysay ee bilawday ay ahaayeen koox kamid ah shiicada kuwa ugu mayal adag oo looyaqaano {albaadiniya; alcubaydiyiin;alfaadiniyiin}

Waxaa kamid ah culimada taariikhda ee arinkaa sheegay:-

1:-Taariikhyahanka shaaficiga ah ee caanka ah ee layidhaahdo {almaqriisi} wuxuu ku sheegay kitaabkiisa layidhaahdo: -

((المواعظ والاعتبار بذكر الخطط والآثار))

Juska koobaad safxada 40aad

2:-waxaa kale oo sheegay Shaykh layidhaahdo Alqalsha qandi wuxuu kusheegay kitaabka layidhaahdo: -

((صبح الأعشى))

Jiska sadexaad safxada 494

3:-waxaa kale oo sheegay sheikh layidhaahdo{as-sunduubi} wuxuu ku sheegay kitaabkiisa:

((تاريخ الاحتفال بالمولد النبوي))

safxada 69

4:- waxaa kale oo sheegay sheikh la yidhaahdo {cali maxfuud} oo ku sheegay kitaabkiisa

((الابداع في مضار الابتداع))

safxada 251

Nimankaasi waxay sameeyaan dabaal dega bisha mawliidka wakhtigay xukumi jireen masar qarnigii afraad, waxay sameeyeen dhawr mawliid oo uu ka mid yahay ka Rasuulku, nimanka oo islaamnimadoodaba laga hadlay oo waxyaabo aad u fool xun sameeya oo ay ka mid tahay inay kacbada qaybo kamida dumiyeen oo ayqaateen

xajarul aswadka ayaa ugu horeeyey ixtifaalkan mawliidka sababata ay u sameeyeen waxyaabo kala duwan ayaa lagu sheegay. Kadibna dad kale ayaa kaga dayday cidii ugu horaysay ee dabaal degan ciraaq keenay wuxuu ahaa sheekh Cumar maxamad Al-Arabli Al-mawsili qarnigii 6aad waxaana kaga dayday boqor la oran jiray {Abu saciid mudafarudiin}) qarnigii 7aad aadna ugu dadaali jiray kadibna wadamo badan ayuu ku faafay ilaa uu aad u faafay nimankaa raafidad ah waxaad ka eegi kartaa taariikhda { al bidaaya wannahaaya} ee uu qoray ibnu kasiir 17-371 iyo Assiyar ka dahabi 15-173

## Xukunka mawliidku ku lee yahay shareecada islaamka: -

Waxaan ognahay dhamaan oo aynu sifiican ugu dheregsanahay sida dadku ay iskugu khilaafsanyihiin mawliidka ee ay ugu kalatagsanyihiin, qaar waxay kaaminsanyihiin in uu yahay shay diin aah oo wanagsan qaar kalena waxay ka aaminsanyihiin in uu yahay wax diinta kasoo horjeeda oo aanay banaanayn in laga qayb qaato, la akhriyo.

Hadaba halkan wxaynu ku falanqaynaynaa xukunka uu ku yeelanayo sharciga waxaa qofkasta oo muslim ah waajib ku ah in uu Ogaado in mas'ala kasta oo layskaga horyimaado loo la noqdo kitaabka iyo sunnada Rasuulka ka sugnaatay oo laga dhigo labadooda waxa lagu kala baxayo oo qof kastaa naftiisa ka fogeeyo tacasubka ama dhinac lajirka ku dhisan ku dayashada indhaha la' marka taa lagaa helo oo aad u hogansatid xukunka Ilaahay waxaada noqonaysaa muumin dhab ah , haddii kale oo aad raacdo naftaada waxaad noqonaysaa qof iimaankiisu aanu dhab ahayn ama xanuunsanayo waayo Ilaahay ayaa sidaa ina faray waana tan iimaanku keensanayo waxa Ilaahay yidhi:-

((فإن تنازعتم في شئ فردوه إلى الله والرسول إن كنتم تؤمنون بالله واليوم الآخر ذلك خير واحسن (تأويلا)).

Waxa Aayadda macneheedu yahay hadaad wax uun iskaga hortimaadaan waxaad u celisaan Ilaahay iyo Rasuulka haddaad rumaysantihiin Ilaahay iyo maalinta danbe sidaas ayaa idiin khayr badan idiina cidhib wanaagsan

Waxaa culimaduna isku raaceen in ucelinta Ilaahay loola jeedo in loo celiyo kitaabkiisa , ucelinta Rasuulkuna tahay sunadiisa

Waxa kale oo Ilaahay yidhi:-

((وما اختلفتم فيه من شيء فحكمه الى الله))

Waxa Aayadda macneheedu yahay: -

Waxaad isku qabsataan xukunkiisa xaga ilaahay ayuu ahaaday))

Waa in arinka aad loogu dhugto oo loofahmo in miisaanka wax kasta lasaarayaa kitaabka iyo sunada yahay , wixii kasoo baxana waa lagu wada qasbanyahay in laqaato hadaynaan amarka qaadan waynu wada halaagsamaynaa waynuna lumaynaa qof walibana hawadiisa ayuu raacayaa oo uu caabudayaa waxayna keenaysaa in lays wada khilaafo oo lakala tafaraaruqo waxa kale oo iyana muhiim ah in aqoon loo yeesho in diinta Islaamku ku dhisantahay laba asal oo waawayn oo kala ah: -

**1. In Ilaahay mooyee cid kale la caabudin.**

**2. In aan Ilaahay lagu caabudin illaa wixii uu sharciyeeyay mooyaane wax kale.**

arinka hore waaka quraanku inta badan kacabiro lkhlaas ,waxaana loola jeedaa in Ilaahay loogaaryeelo cabuditaanka oo Ilaahay cibaadada cidkale lala wadaajin cibaadadaasi ha noqoto , Salaad , Soom ,Sako Baryo , Tala saarad ,ama Kaalmaysi



Waxaa Asalkan kasoo horjeeda Shirkiga waxa loo yaqaan oo ah in Ilaahay cid kale lala simo oo lala wadaajiyo cibaadada.

Asalkan adiladiisu way badantahay waxaana kamid ah hadalka Ilaahay yidhi:-

(( وما أمرو إلا ليعبدوا الله مخلصين له الدين ))

Ayadda macneheedu wuxu yahay:

Lama farin illaa inay Ilaahay cibaadada u keli yeelaan mooyee, wax kale oo ay Salaadana oogaan Sakadana bixiyaan

Waana u jeedada laga leeyahay Shahaadatu allaa Ilaaha Illalaahu waana shayga Dacwadda Anbiyadu kawada midaysnayd oo ah tawxiidka Ilaahay

Waxa Ilaahay yidhi: -

(( وما ارسلنا من قبلك من رسول الا نوحى اليه ))

(( أنه لا إله إلا أنا فاعبدون ))

Aayada macneheedu waxay sheegaysaa:-

Rasuul hortaa maanaan dirin ilaa haduu jirana waxanu uwaxyoonay mid xaq lagu caabudaa inaanuu jirin aniga mooyaane, ee aniga uun icaabuda.

Arinka labaad oo ah in Ilaahay marka loo keli yeelo cabuditaanka in uu noqdo waxa lagu caabudayaa wuxuu Ilaahay sharciyeeyay

Waxa Rususha Ilaahay u soo diray si ay u sheegaan wixii Ilaahay lagu caabudayay oo ah siduu sharciyeeyay, haddii kale qof kasta siduu isagu u arko ama caqligiisu tuso ayuu u caabudilahaa lakiin taa lama ogola waxa Ilaahay yidhi:-

((فاستقم كما أمرت ومن تاب معك ولا تطغوا)).

Waxaad u toosnaataa sida lagu faray adiga iyo kuwa toobad keenay , hana xadgudbina , xadgudubka oo ah in wax lagu daro islaamka ama wax laga dhimo.

Waxaa Asalkan kasoo horjeeda waxa loo yaqaano bidcada oo ah in uu qofku waxaan Ilaahay sharciyayn cibaado kadhigto.

Waxaa Rasuulkuna sheegay in aan qofna laga aqbalayn wax aan Ilaahay sharciyayn sida ku sugan bukhaari iyo muslim xadiiska caa'isha Ilaahay raali haka noqdee soo werisay in Rasuulka calayhi salaatu wasalaam yidhi :-

((من احدث في امرنا هذا ما ليس منه فهو رد))

Xadiiska macnihiisu waxa weeye:-

Qofkii layimaada wax aan diinta ka mid ahayn waa lagu celinayaa.

Waxa dulucda labada arin ay tahay in wax kasta oo qofku Ilaaha ugu dhowaanayo in laga helo laba shardi oo kala ah:-

1. in camalka Ilaahay dartii loo qabanayo
2. In camalkaasi yahay mid Diinta Islaamka ku sugan oo daliil sugaya leh

Hadaad labada arimood si fiican u fahantay waxaynu u guda dhacaynaa xukunka mawliidku uu leeyahay. Horu dhacaa kadib waxaad ogaataa walaalkayga muslimka ahow

In adilada kala duwani iyo xujooyinka cad cadi kutosayaan in dabaal degan dhalashada Rasuulka aanay ahayn wax sharci ah, waxaa weeye arrin lagu soo daray shareecada islaamka waana wax xaaraan ah oo islaamku ogolayn, waxaana inoo cadaynaya waxyaabahan soo socda:-

1- waxaa weeye dabaal degani arin bidco ah oo islaamka sal iyo raadtoona ku lahayn

Adilada sharciga ah iyo hadalad salafkuna aad ayay udhaleeaceyeen in diinta lagu soodaro wax aan kamid ahayn oo daliill sugaaya loohayn waxaa Rasuulku nabad gelyo iyo naxariisi korkiisa ha ahaatee yidhi: -

وإياكم ومحدثات الأمور، فإن كل بدعة ضلالة ((  
أخرجه احمد وابو داود والترمذی

Waxaad iska ilaalisaan waxyaabaha diinta lagu soodaro, waayo waxkasta oo diinta lagu soodaraa waa baadi.

Waxaa kale oo Rasuulku yidhi:-

(( من احدث في امرنا هذا ما ليس منه فهو رد ))  
أخرجه البخار و مسلم

Qofkasta oo kusoodara islaamka waxa aan kamid ahayn waa lagu celinayaa

{Riwaayada Al-imaam Muslim soo saarayna waxay leedahay: -

((من عمل عملاً ً ً ً ليس عليه أمرنا فهو رد ))

Qofkii qabta camal shariicad aan ku sugnayn waa lagu celinayaa

Saxaabadii iyo salafkii fiicnaa ee inaga horeeyay sidaas ayay isku dardaarmijireen waxyna diidi jireen in Ilaahay lagu caabudo wax aanu sharciyayn oo bacda nebi ah

Mawliidku in uu bacda nebiyahay waa wax laysku wada waafaqsan yahay mar hadii uu bacda nebi yahayna lama ogola in Ilaahay loogu dhowaado, ka

ugu dhowaadana laga aqbalimaayo sidaa axaadiista ku sugan

2- waxaa kusugan dabaal degan samaysi ciid sedexaad oo ahayn labada ciidood ee islaamka oo kala ah ciidul FIDRIGA iyo ciidul ADXA iyo ciida wiiga oo ah maalinta jimcaha ciiduhuna waxay ka mid yihiin umuurta shareecada ee aan rayiga laga qaadan ciid afraad in lasamaysto ma aha mid islaamku ogolyahay markii Rasuulku madiina yimi waxay lahaayeen laba casho oo ay ciyaaraan markaas ayuu Rasuulku yidhi:-laba kale ayaa Ilaahay idiinku bedelay [ciidul fidri](#) iyo [ciidul adxaa](#), marka ciidan kale ee ku beegan dhalashadii Rasuulka calayhi salaatu wasalaam xagee laga keenay?.Waata kele eh yaa ogalaaday hadii Rasuulku labadii cisho udiiday saxaabada reer madiina sidaana ay ugaga hadheen yaa kuwan u ogalaaday ciidan Waa yaabe?!

3- sadexdii qarni ee wanaagsanaa saxabadii iyo taabiciintii iyo kuwii xigay oo ah quruun tii fadliga badnayd EE Rasuulku amaanay layna amray inaynu ku dayano, ahna kuwa inaga jacayl badan Rasuulka lamay iman midna muu samayn dabaal degii dhalashada Rasuulka haduu lahaan lahaa khayr iya gaa inooga dheerayn lahaa ma qof ayaa odhan anaa saxaabadii Rasuulka khayrka ka badsaday. Hadii mawliidku khayr yahay maxay ula iman

waayeen?! Maxa loo sheegi waayay al- imaan ashaafici ama al-imaam axmad ibnu xanbal, ama maalik, ama abuxaniifa oo dabaal- deg u sameeyay dhalashadii rasuulka? Midna lagama hayo arinkaa, waayo wax aan diinta meelna ku haysan, iyaguna ilaahay waxii uu sharci ka dhigay ayay ugu dhawaan jireen oo keli ah.

4- Waxaa ku jira mawliidka Rasuulka loogu dabaal dego ku talax tag iyo xad gudub lagu sameeyay Rasuulka amaantiisa, ilaa wax la waydiistay oo Ilaahay lala simay Rasuulkuna wuu inoo diiday in lagu talax tago amaantiisa wuxuuna yidhi:

لا تطروني كما أطرت النصارى عيسى ابن مريم ((  
إنما أنا عبد فقولوا عبد الله ورسوله)). رواه  
البخاري

Haku talax tagina siday nasaaradu ugu talax tageen Ciise Ibnu Maryam, adoon ayaan ahay uun waxaad idhaahdaan adoonkii Ilaahay iyo Rasuulkiisii.

Maxaa ka xun talax tag keenay in lagu sheego Rasuulka in uu waxa maqan ogyahay oo uu daalacanayo wax looxul maxduufka ku qoran, Ilaahayna wuxuu leeyahay:-

قل لا يعلم من في السموات ولأرض الغيب الاّ الله ((  
الله)).

((Ma oga waxa ku sugan samaawaadka iyo dhulka Ilaahay mooyee)).

Waxa dhacay in Rasuulka laga ag yidhi iyadoo la amaanayo

((وفينا رسول الله يعلم ما في غد)).

Dabadeed wuxuu ku yidhi taa iska dhaafa ma oga waxa beri ku sugan Ilaahay mooyaane cid kele

maxaa ka xun talax tag lagu sheegay in Rasuulka lagu tilmaamo inuu dunuubta dhaafo iyadoo Ilaahay leeyahay: -

((ومن يغفر الذنوب إلا الله)).

((Yaa dunuubta dhaafa oon Ilaahay ahayn))?

Talax taga caynkaa ah iyo wax ka daran ayaa ku sugan Mawliidka sigaar ah ayaynu u tilmaami doonaa Insha Alaah.

5- Dabaal degani waxa weeye ku dayasho lagaga dayday Nasaarada dabaal deg ay u sameeyeen Ciise Ibnu Maryam, in lagu daydaana waa xaaraan, wuxuu Rasuulku yidhi:-

من تشبه بقوم فهو منهم. رواه ابو داود عن ابن  
عمر

((Qofkii cid isu eekaysiiyaa cidaa ayuu ka mid yahay)).

Waa inaynu ku dayano saxaabadii wanaagsanayd ee layna amray inaynu ku dayano, waayo may samayn dabaal deg, mise intaynu ka tagno ku dayashadaa saxaabada ayaynu ku dayanaa kiristaanku waxay sameeyaan?!

6- Debaal degani wuxuu keensaday waxyaabo badan oo diinta islaamka xaaraan ku ah. Wixii xaraan keensadana waa xaaraan ee maaha wax diin ah.

- Wuxuu keensaday waxaa ka mid ah ina habeenka la qaadayo raga iyo dumarku isku milmaan ooy isdhexgal sameeyaan, waana arin xun oon islaamku ogolayn.
- Wuxuu kaloo keensaday in habeenkii oo dhan la saamaylo oo durbaano la tunto marka wakhtigii salaada subax soo dhowaadona la gataati dhoco oo halkaa salaadii subax lagaga tago (Subxaana Laah).
- Wuxuu kaloo keensaday in muusik (music) iyo heeso lagu soo jeedo aan islaamku ogolayn, oo iyadoo salaadii loo adimaayo latunto.



7- Waxaa ku jira mawliidka in ku saligii Rasuulka layska hortaago oo looga dhigo mawliikan bidcada ah in uu yahay saligii Rasuulka

8- Taariikhdan dabaaldega loo samynayo dhalashada Rasuulka layskuma waafaqsana inuu dhashay waxayba culimadu u badan yihiin inay tahay wakhtigii uu dhintay. Hadaba maxaa looga dhigay farax maalintii uu Rasuulku dhintay?!. Maxay maalin murugo uga dhigan waayeen?!

9- maalintii Rasuulka calayhi salaatu wasalaam dhashay tilmaamideeda layskuma waafaqsana waxaana laysugu khilaafsanyahay ilaa 7 qowl(hadal) waxaana ugu caansan maalinta 12aad iyo maalinta 8aad ee bisha Rabiicul awal, hadii dabaal degaasi wax mashruuca ahaan lahaa layskuma khilaafeen.

10- Dabaal degani wuxuu keenay inay muslimiintu is khilaafaan oo ay kala tagaan oo ay taag daro ku dhacdo sidaa awgeed waxa waajib ah in laga tago si muslimiintu umidoobaan mar hadii laysla wada ogol yahay inuu yahay wax cusub, hadana dhib ukeenay muslimiinta waxaa waajib ah in layska daayo waxa yaabahaas oo dhan waxay inoo cadaynayaan in ixtifaalkaasi(Dabaaldegaasi) uuna wax banaan ahayn waxaana inagaga filan in uu yahay wax islaamka ku cusub hadii khayr uu ku jiri lahaa waa laynnoo sharciyeen laha waayo khayr

majiro haduu jirrana Rasuulku wuu cadeeyay, wax inaga laynoo tala saartayna majiro.

Wixii Ilaahay aynu ku caabudaynay oo dhan waa la cadeeyay

Qofna uma furna inuu wax cusub iskaga soo daro, kii layimaada laga aqbali maayo

Hadaba qofkii mawliidka akhrinaya amaba lacag ku bixinayaa, hays waydiiyo ma wax khayr ah oo aan Ilaahay sharcigarayn ayuu isagu sharci garaysanayaaaaa?

Mise saxaabadii ayuu kaga horeeyaa khayrka iyo cibaadada?

Ha iswaydiiyo maxaa daliil ah arinkan xagee loo la noqonayaaa?

## Hadalada shirkiga ah ee ku jira mawlidka la akhriyo:-

waxaa qofkasta ku waajib ah in uu kala saaro xaquuqda Ilaahay ee khasaa,ista Rabinimo ah iyo xaquuqda khalqigiisa, sida xaqa nebiga naxariis iyo nabad gelyo korkiisa ha ahaatee, si waxkasta meeshiisa uu udhigo isagoo ucuskanaya quraanka kariimka ah iyo sunnada Rasuulka, hadaba waxaad ogaal dhab ah uyeelataa inay kamid tahay xuquuqda khaska Ilaahay u ah ee rabinimadiisu keenayso in adoonkiisu isaga uun magangalo, wax

waydiisto, hadii dhib ama kurbo ku habsato cid aan Ilaahay ahayni faydikarin.

Ma banaana qofka dhib ay hayso ama kurbo in cid alle ahayn u cuskado, waana xaq Ilaahay gaar u leeyahay oo ay waajib tahay in ilaahay loo gaaryeelo sidaasaa iyadana ah waynaynta dhabta ah ee Rasuulka lawayneeyo waayo, waxa waynaynta Rasuulka ugu wayn in lagaga daydo keliyeelida, Ilaahay ee cibaadada lookeli yeelayo, aayado badan ayuu ilahay ku cadeeyey in dhibta uu ka kor qaado cidii dhibaato ku sugan waxaa ka mid ah ayaadaha qawlka Ilaahay yidhi: -

((وإن يمسسك الله بضر فلا كاشف له إلا هو وإن يردك بخير فلا راد لفضله، يصيب به من يشاء من عباده)).

Waxaa Ilaahay leeyahay isagoo nabiga la hadlaya hadii Ilaahay dhib ku taabsiiyo cid aan isaga ahayni faydi mayso hadii uu khayr kula doonona cid celin kartaa ma jirto fadligiisa ciduu doono oo adoomihiisa ah ayuu siiyaa)).

Waxa kale oo Ilaahay yidhi: -

((وإن يمسسك الله بضر فلا كاشف له إلا هو وإن يمسسك بخير فهو علي كل شيء قدير)).

Hadii Ilaahay dhib ku taabsiiyo isaguun baa kaa qaadi kara haduu nimco ku siiyona wax kasta isagaa awooda, Rasuulkiicalayhi salaatu wasalaam khalgiga ugu sharafta badnaa ayuu Ilaahay sidaa ku leeyahay cid kalena iska dhaafoo waa in sidaa aad aamintid oo aad ku dhaqantid si aad u noqotid dhab ahaan qof Rasuulka calayhi salaatu wasalaam raacsan waxaa kaloo Ilaahay yidh:-

((أَمَّنْ يَجِيبُ الْمَضْطَرُ إِذَا دَعَاهُ وَيَكْشِفُ السُّوءَ)).

((Waa kee ka aan Ilaahay ahayn ee markuu baryo qoka dhibani ajiiba oo dhibka ka kor qaada))

Waxaad ogaataa in gaaladu wakhtigii Rasuulka calayhi salaatu wasalaam ay ogolaayeen in dhib Ilaahay kaligii faydo, hadan Ilaahay cid kale ayay ku lamaanayn jireen marka uu dhibta ka qaado waxaa Ilaahay yidhi: -

وَإِذَا مَسَّكُمُ الضُّرُّ فِي الْبَحْرِ ضَلَّ مِنْ تَدْعُونَ إِلَّا إِلَاهَ  
فَلَمَّا نَجَّاکُمْ إِلَى الْبَرِّ أَعْرَضْتُمْ وَكَانَ الْإِنْسَانُ  
كَفُورًا

Markaa bada dhib idinku qabsato, cid kastoo Ilaahay sokadii baryi jirteen way idinka maqnaataa hadana marka beriga laydiin badbaadiyo ayaad shirki samaysaan)).

Hadaba iyadoo ayaduhu sidaa u cadyihiin ayaa dad muslimiin sheeganaya markay dhibta ku dhacdo ayay Rasuulka calayhi salaatu wasalaam baryayaan in dhib uu ka faydo ama dadka dhintay ee qabuuraha ku aasan iyagoo ku sheegaya in Rasuulka calayhi salaatu wasalaam ama awliyada waynaynayaan!!

Waxaa la wada ogsoonyahay in arinka Rasuulka calayhi salaatu wasalaam iyo mid ka mid ah saxaabadiisu amrin ee uu fari jiray wixii Ilaahay faray uun oo ah in kaligii la baryo, lamagan galo wuxuu Ilaahay yidhi: -

ولا يأمرکم أن تتخذوا الملائكة والنبيين  
أربابا، أيا مکرکم بالكفر بعد إذ أنتم مسلمون

Idin fari mayo inaad ka dhigataan malaa, igta iyo nabiyaada rabiyo aad caabudaan ma wuxuu idin amrayaa gaalnimo idinkoo muslimiin ah ka dib)).

Waxay aayadu sheegaysaa in malaa, igta iyo anbiyada waxyaabaha laga doono oo Ilaahay la gaaryahay ay tahay gaalnimo. Mana aha jacaylka Rasuulka calayhi salaatu wasalaam waxaan ku waydiinay akhristaha sharafta mudanow hadaad aragto qof sheeganaya inuu Rasuulka calayhi salaatu wasalaam jecelyahay oo uu waynaynayo oo uu ku amaanayo inuu yahay Rasuulka calayhi salaatu wasalaam ka abuuray dhulka iyo samada roobka

keenay wabiyada jeexay buuraha taagay miyaad ka shakiyaysaa inuu beenaale yahay jacalyka Rasuulkunacalayhi salaatu wasalaam ka dhab ahayn?!

Hadaba waxba uma dhexeeyaan tan iyo in Rasuulka calayhi salaatu wasalaam laga dalbo inuu dhibka faydo ama gargaar bixinayo sidaynu Ilaahay abuurista ugu kali yeelnay waa inaynu baryadana ugu keli yeelnaa.

Waxaa laga yaabaa in akhristuhu yidhaahdo, oo waxyaabahan la sheegay in Rabi la gaaryahay macidbaa ka shakisan Muslim sheeganaya tolow?

Waxaan kuugu jawaabayaa boqol jeer HAA HAA  
Waxaan halkan kuugu soo bandhigi doonaa waxyaabaha layaabka leh ee ku yaal kutubta mawlidka ee ufiirso waxaan gacanta kuhayaa kitaab layidhaahdo:-

((مجموع مولد شرف الأنام)).

Waxaa kitaabkaa lagu ururiyay dhawr kitaab oo kutubta mawlidka ah,oo kuwa ugu cansan ah ee masaajida qaarkoodna laga akhriyo waxaa lakala yidhaahdaa:-

((مولد البرزنجي)نثر\*).

((مولد البرزنجي)نظم\*).

.البردة\*.

Hadalada kuyaala kutubtaa ee meel kadhaca ku ah Ilaahay, ee lagu baryaayo Rasuulka calayhi salaatu wasalaam ama gargaar lagu waydiisanaayo. waxaa kamid ah hadaladan soo socda:-

1:-Waxaa kuyaal kitaabka boga sadexaad: -

السَّلَامُ عَلَيْكَ \*\*\* يَا مَاحِي الذُّنُوبِ .

Waxaa weeye macnihiisu naxariisi korkaaga ha ahaato ka dunuubta tirtirow)).

Waxaad iswaydiisa yaa adoomaha dunuubta ka tirtira ma cid aan Ilaahay ahayn?

Ilaahay ayaa inoo cadeeyey in keligii dunuuba dhaafo wuxuuna yidhi: -

((وَمَنْ يَغْفِرِ الذُّنُوبَ إِلَّا اللَّهُ)).

2:-Waxaa ku yaal boga afraad 4aad

((السَّلَامُ عَلَيْكَ \*\*\* يَا جَالِي الْكُرُوبِ)).

waxa weeye macnihiisu naxariista korkaaga ha ahaato ka dhibta faydow)).

Ilaahayna waxa u sheegay in keligii dhibta faydo

3:-Waxa ku yaal boga 8aad

يا رسول الله يا خير كل الأنبياء نجنا من هاوية  
يا زكي المنصب

Waxa weeye macnihiisu Rasuulkii calayhi salaatu wasalaam Ilaahayow anbiyada kii ugu khayr badnaw.naga badbaadi haawiya!!

Ma cid aan Ilaahay ahayn ayaa cadaabka hawiya wax kabadbaadiya

4:-Waxa kuyaala boga 17aad

فجذ يا رسول الله منك برحمة\*\*\* لعبد أسير با  
لذنوب يقبل

Waxaa weeye mecnihiisa Rasuulkii Ilaahayaw waxad ugu deeqdaa naxariis adoon dunuubi kugu soo qaabilaya!

Rasuulka ayuu baryayaa oo waydiisanayaa in dunuubta uu ku soo qaabilayo uga naxariisto Ilaahayna wuxuu leeyahay: -

((وقال ربكم ادعوني استجب لكم)).

I barya aan idinka ajiibee

Waxaa Ilaahay leeyahay:-



((وان المساجد لله فلا تدعو مع الله أحدا)).

Xubnaha aad ku sujuudaysaan ama meelaha aad ku sujuudaysaan Ilaahay ayaa leh ee cidnaba)).

Ha baryina, Ilaahay ayaa run sheegay Ninkan gabyayna wuu gafay xaqii Ilaahayna wuu dafiray  
5- Waxaa ku yaala boga sided iyo soddonaad 38aad: -

أنت للرسول ختام \*\*\* أنت للمولى شكور  
عبدك المسكين يرجو \*\*\* فضلك الجم الغفير  
فيك قد أحسنت طني \*\*\* يا بشير يا نذير  
وأغثنني وأجرني \*\*\* يا مجير من السعير  
يا غياثي يا ملاذي \*\*\* في مهمات الأمور

ABYAADDAN aad ayuu qofka muslimka ahl ee tawxiidka Ilaahay fahansiiyay uga naxayaa waxa shirki badan oo kala duwan, waxaana ka mid ah :-

- 1- Rasuulkalayhi salaatu wasalaam oo uu waydiisanaayo in uu ugargaaro, dhibaataadana uga soo gurmado .
- 2- Rasuulkalayhi salaatu wasalaam oo uu waydiisanaayo inuu naarta saciira ka magan galiyo .
- 3- Rasuulka calayhi salaatu wasalaam oo gargaar iyo nabad gelyo ka dhiganayo marka dhibta wayni ku dhacdo
- 4- Rasuulka calayhi salaatu wasalaam oo rajaynayo fadligiisa badan

- 5- Rasuulka calayhi salaatu wasalaam mala fiican uu ka filanayo hadaba, miyaa lagu tilmaami karaa qof adoon Ilaahay u ah mise waa qof Rasuulkii ilaah ka dhigtay oo caabudaya ilaahow tawxiidka nagu sug.
- 6- Waxaa ku qoran boga sagaal iyo soddonaad 39aad

فعليك الله صلى \*\*\* دائما طول الدهر  
 يا ولي الحسنات \*\*\* يا رفيع الدرجات  
 كفر عن الذنوب \*\*\* واغفر عن السيئات  
 انت غفار الخطايا \*\*\* والذنوب المؤبقات  
 أنت ستار المساوي \*\*\* ومقيل العثرات  
 عالم السر وأخفى \*\*\* مستجيب الدعوات

Abyaadan xaquuqdii Ilaahay lahaa iyo sifaadkii Rabi uyyuu Rasuulka calayhi salaatu wasalaam ku taxay waxa uu koobsaday: -

A- Rasuulka calayhi salaatu wasalaam oo ka baryaaya inuu dunuubta ka dhaafo oo ka tirtiro.

B- Rasuulka oo uu ku tilmaamayo dambi dhaafe badne yahay iyo in dunuubta wax ha layga dhaafo

C- Rasuulka calayhi salaatu wasalaam uu tilmaamayo inuu yahay ka dunuubta astura, simbiririxadana ka dhaafa yahay

D- Rasuulka calayhi salaatu wasalaam oo ku sheegayo In waxa la siraysto iyo waxa kasii qorsoon sirta ogyahay.

E- Rasuulka oo lagu sifaynayo yeedhmada ka ajiiba inuu yahay.

Hadaba quraanka u laabo ka tilmaamahan lihi ma Rasuulkaa calayhi salaatu wasalaam mise waa Ilaahay?!

Waxaad moodaa in Ilaahay uu iloobay oo uu xaqiisii uu siiyay Rasuulka calayhi salaatu wasalaam

F- Waxa ku yaal boga koob iyo lixdanaad 61aad iyo ka 26aad: -

((ألا يا نبي الهدى أغث من بذكرك يصح)).

Waxa weeye micnihiisu nebigii hanuunkaw waxaad u gargaartaa mid xuskaaga ku dhawaaqaaya,

Rasuulkuna calayhi salaatu wasalaam wuxuu ku ducaysan jiray: -

((يا حي يا قيوم برحمتك استغيث))

Allaha nolol dhamays Tiran lahow, Allaha koonka maamulka ku qumow. Naxariistaada ayaan gargaar waydiisanayaa

Kana intuu Ilaahay ka jeestay ayuu Rasuulka calayhi salaatu wasalaam gargaar waydiisanayaa

G- Waxa ku yaal boga boqol iyo todobaatan iyo labo 172aad

فإن من جودك الدنيا وضرتها \*\*\* ومن علومك علم  
اللوح والقلم

Waxaa macnihiisu yahay:-

Waxaa ka mid ah deeqdaada aduunyada iyo dangaladeeda aakhiro ,waxaa ka mid ah cilmigaaga waxa looxul maxfuudka ku yaala iyo waxa qalinku qoray.

Hadaba waa yaabe muxuu Ilaahay uga tagay markay aaduunyo iyo aakhiroba tahay deeqdii Rasuulkalayhi salaatu wasalaam waxa looxul maxfuudka ku yaal iyo qalinku qorayo Rasuulka{SCWogyahay, waxaa aayado badan ilahaay ku tilmaamay waxa maqan in kaligii ogyahay sida Ilaahay yidhi: -

قل لا يعلم من في السموات والأرض الغيب إلا الله

Ma oga cidna cida ku sugan samooyinka iyo dhulalka dhamaantood Ilaahay mooyee)).

Aayadaha qaarkood waxa Ilaahay Rasuulka calayhi salaatu wasalaam inuu yiraahdo: -

قل لا املك لنفسي نفعا ولا ضرا إلا ما شاء الله ((  
ولو كنت أعلم الغيب لاستكثرت من الخير وما  
مسنى السوء إن أنا إلا نذير و بشير لقوم  
188 يؤمنون)). سورة الاعراف

Waxaad tidhaahdaa anigu uma hayo naftayda dhib iyo dheef.midnaba, wixii ilaah doono mooyee, hadaan ogaan lahaa waxa maqan khayrkaan badsan lahaa, wax dhib ahina iguma dhacdeen, waxaan ahay uun mid gaaladana u digaya,(miniintana u bushaaraynaya)).

waxay aayadu sheegaysaa in Ilaahay kaligii dhibta iyo dheeftaba hayo, Rasuulkuna calayhi salaatu wasalaamdhib iy dheefba u hayn naftiisa iyo cid kele toona, waxa maqana ogayn, hadii uu ogaan lahaana dhibi kuma dhacdeen.

Kuwanina waxay rasuulka ka baryayaan inuu dhibta ka korqaado ,waxayna ku tilmaamayaan inuu ogyahay waxa maqan, waxaa halkaa kaaga cadaanaaya in hadalka ilaahay dhab yahay, kooduna shirki shaydaanku u qurxiyay yahay oo uu uga dhigay diin.

Rasuulku calayhi salaatu wasalaam wuxuu sheegayaa inaanu waxa maqan ogayn waxaa xadiis saxeexa oo bukhaari soo saaray ay ku sheegtay saxaabiyada la yiraadho (Rubayic Bintu Mucawid) ina Rasuulku calayhi salaatu wasalaam u soo galay iyadoo gurigalkeedii ku jirta ay habla yaryarina qaadayaan hadalo ay ka mid tahay: -

((وفينا نبي يعلم ما في غد)).

Waxaa naga mid ah nabi OG Bari waxa jira)).

Dabadeed waxaa Rasuulku calayhi salaatu wasalaam ku yidhi:

((لا تقولي هكذا ، وقولي ماكنت تقولين)).

Sidaa ha Oran ee waxaad markii hore lahayd iska dheh)).

Waxaa kaloo caa, isha Ilaahay raali ha ka noqdee ay soo warisay in Rasuulku calayhi salaatu wasalaamyidhi:-

((لا يعلم ما في غد إلا الله)). رواه الحاكم

Waxa berri jira ilaahuun baa og cid kale ma oga)).

Sidaas ayuu Rasuulku calayhi salaatu wasalaam ahaa oo saxaabada ku Odhan jiray ,kuwa berri waxa jira iska dhaafe, looxa waxa ku qoran ayay inuu ogyahay ayay aaminsanyihiin.

Waxaan hadalkayga ku ururinayaa marka mawliidka la diidanyahay saliga Rasuulka calayhi salaatu wasalaam lama diidana ee waxa foosha xun ee xadgudubku ku jiro ee saliga umada looga dhigayo ayaa la diidanyahay waxaa la yaab leh in hadal raqiis ah dadka qaarkood ay rumaystaan waxyaabaha shareecada khilaafasan ee kutubta

mawliidka ku jira way badanyihiin lamana koobi karo intaas qof caqliga iyo fahan leh way ku filantahay ka hawo raaca ahna wax ma deeqayaan.

## Maxay culimada muslimiintu ka yidhaahdeen dabaal degan:

Dad badan ayaa rumaysan in mawlidku yahay cibaadao soojireen ah oo meel kasta lagu qabto, kuwa diidana ay yihiin dad diin cusub wada Sidaa awgeed waxaan soo bandhigi doonaa culimo taariikhdoodu fog tahay iyo qaar ay dhowdahay waxka sheegeen mawliidka, waxaad ogaata walaalkayga muslimka ahaw in mawlidka diididiisu tahay mid horaysay oo aanay ahayn mid hada uun lalayimi, waxaa cadayna sida culimo wakhti hore diiday oo tilmaamay in uu yahay wax islaamka lagu daray kadib wakhtigii saxaabada iyo taabiciinta, Waxayna ku tilmaameen in qofku ajarka helayn dambi mooye. Waxaa culimada kamid ah:-

1-Shiikha wayn ee la yidhaa:-Al-imaam Abuu Xafsa – taajudiin, kitaab ayuu kaqoray oo uu ku sheegay in uu yahay waxsal iyo raad toona lahayn

2-Waxaa ka mida culimadaa sheikh layidhaahdo: - Al-imaam Ibnu Alxaaj, wuxuu dhintay markay hijriyadu ahayd {173} kitaabkiisa almadkhal ayuu kusheegay in bidco uu yahay

3:-Waxaa ka mid ah sheikh layiraahdo magiciisa :-{ Ibnu naxaas} wuxuu ku diiday kitaabkiisa Tanbihul qaafiliin.

4:-Waxaa kamid ah {Al-imaam} AShaadibi, wuxu ku sheegay kitaabkiisa {Al-ictisaam}

5-waxaa ka mid ah iimaamka caan ka ah ee la yidhaahdo shawkaani-sida uu ku sheegay kitaab uu kaga hadlay

6-waxaa ka mid ah {Al-imaam taqiyu-diin wuxuu kuu sheegay fataawihiisa, culimadaa iyo culimo kale oo ka danbeeyey oo diidey ayaa jiray si kastaba ha ahaatee wax loo cuskanayo waxkasta waa kitaabka iyo sunaha nebiga midna laguma hayo mawliidka Hadaba ha'umalayn mawliid ku inuu yahay mid maanta uun la diidey hore ayaa culimadaasi u diideen.

Inaga oo aan dhalanba wakhti hore cidii mawliidka difaacda daliil cusub ayaa looga baa hanyahay inuu keeno, waligii ma helikaro hal xaraf oo mawliid sheegaya.



## Gebagebo iyo gunaanad:-

Waxaan kusoo gunaanadayaa qoraalkan dardaaran aan kula hadlaayo dadka iyagu aqoon ulahayn diinta wax ay culimada kamaqlaan mooyee waxaan kula dardaarmayaa dhowr arin ookala ah:-

- 1) In ay Ilaahay kabaqaan oo ay ku dadaalaan barasahada diinta, waayo ka bixi maayaan shakiga iyo khilaafka ilaa ay diinta baranayaan
- 2) Waxaan ugu nasteexaaynaynaa in ayna cid uun iskaga deyan mawliidka iyo difaaciisa, qofna loogucudur daari mayo aw hebel mar hadii uu ogaaday mawliidka in layidhi waa waxaan diinta kamid ahayn ama muran ayaa kataagan waxaa waajibku ah inay kudaalaan siday xaqqa ugaran lahaayeen waxaad kawarantaa hadaad istidhaahdo guri iibso oo lagugu yidhaahdo laboqolo ayaa iibinaaya oo isku haysta miyay suurto gal kuutahay inaad dhinac uun gurigaa ka iibsato? Mise waad hubsan lahayd cida leh amaba iska taagi lahayd iibsigaa? Waatusaale aduunyo maxaad umalaynaysaa diinta miyay haboontahay waxla leeyahay waa dambi xun iyo wuu iska

fiican yahay inaad labadii qolo dhinac uun iska taageerto adoonhubsan oo dadaalin?!

- 3) Waxaanu kula dardaarmaynaa inay iska daayaan mawliidka iyo dabaal degiisaba iyo waxku bixintiisa. Waayo qofka mawliidka iska daaya in uusan wax danbi ah lahayn waa wax laysla ogol yahay ka ka qayb qaataana wuxuu ku dhacay arrin lagu danbaabay hadii aan jahli loogu cudurdiirin. Hadaba wax hadii aad katagto aanad ku dambaabayn hadaad samaysana laleeyahay waadambi maxaa kugu kalifaaya samayntiisa wixii ku shaki geliya iskagatag waad badbaadine
- 4) Waxaanu kuladardaarmaynaa waxii aanay oqoon ulahayn ee diinta khusiia in ay ka aamusaan waa xaaraan waxanad cilmi ulahayn in aad kahadasho.
- 5) Iska ilaali inaad wax baadil ah aad difaacdo, adoon garanayn maalinta yowmul qiyaamaha waa lagu waydiin waxaad kudifaacday maxaad kujawaabi!! **{Kafirso intaanad falin}**.
- 6) Waxaad ogaataa inayna maalinta qiyaamaha xujo kuu noqonayn sidaasaan soo gaadhay ama maqli jiray hadaanad daliil cad u haynin oo kitaabka iyo sunada ah. Kuwa mubtadicada

ah Ilaahay ha sohanuuniyo sharkoodana  
muslimiinta hakajoojiyo inagana ilaahahay  
xaqahaynagusugo

وصلى اللهم على سيدنا محمد وعلى آله  
وصحبه وسلم تسليماً كثيراً الى يوم  
الدين

هل لديك معرفة عن احتفال المولد؟

بقلم

(أبي الحسن موسى محمد عبد الرحمن) ترح